

AKHBAR : KOSMO!

MUKA SURAT : 5

TARIKH : 03 MAC 2023

HARI : JUMAAT

SENTIMEN : POSITIF

PTPTN perinci 4 kategori pelaksanaan diskaun bayaran



PTPTN menyediakan diskaun bayaran balik pinjaman bermula kelmarin hingga 31 Mei depan. - GAMBAR HIASAN

PETALING JAYA – Pelaksanaan diskaun bayaran balik pinjaman Perbadanan Tabung Pendidikan Tinggi Nasional (PTPTN) sehingga 20 peratus bermula kelmarin hingga 31 Mei depan meliputi empat kategori.

PTPTN dalam kenyataan berkata, ia merangkumi diskaun 20 peratus atas baki hutang untuk penyelesaian penuh pinjaman.

Katanya, diskaun 15 peratus pula bagi penyelesaian sekurang-kurangnya 50 peratus keseluruhan baki hutang.

Selain itu ujarinya, diskaun 15 peratus untuk bayaran balik

melalui potongan gaji atau debit terus mengikut jadual bayaran balik serta diskaun lima peratus untuk bayaran balik melalui aplikasi myPTPTN.

"Semua peminjam PTPTN termasuk yang telah dikenakan tindakan penguatkuasaan dan penerima Wang Pendahuluan Pinjaman layak menikmati insentif ini.

"Peminjam yang ingin membuat penyelesaian penuh pinjaman atau sekurang-kurangnya 50 peratus daripada baki hutang perlu membuat pengesahan baki pinjaman melalui aplikasi myPTPTN atau portal rasmi di

ptptrn.gov.my.

"Mereka juga boleh menghubungi eksekutif pemasaran PTPTN sebelum membuat bayaran balik melalui saluran bayaran yang telah disediakan," kata kenyataan itu semalam.

Bagi peminjam yang sedang membuat bayaran balik melalui potongan gaji atau debit terus layak mendapat diskaun 15 peratus secara automatik.

"Seterusnya, peminjam yang ingin membuat potongan gaji atau debit terus pula boleh membuat permohonan melalui aplikasi myPTPTN atau portal rasmi PTPTN," katanya.